

晚

晴

移

詩

匯

晚晴移詩匯卷一百三十二目錄

胡興仁 二首

黃富民 二首

朱榆 三首

龔潤森 一首

查人漢 一首

蕭鴻吉 五首

孫運錦 四首

陳宗起 二首

鄧承宗 五首

李于潢 三首

趙一德 一首

冉瑞岱 二首

楊懷清 二首

柏棣 四首

黃琮 十七首

宗室德誠 一首

朱昌頤 二首

宗室豫本 六首

石廣鈞 二首

胡珵 一首

查文經 四首

黃恩彤 三首

徐繼畲 四首

周啟運 五首

宋沛霖 一首

鄂恆 七首

朱琦 三首

徐燮鈞 三首

陳同 五首

繆梓 三首

彭洋中 五首

李光謙 二首

潘德輿 十六首

李文瀚 七首

吳陳勳 一首

姚吉祥 一首

徐颯 一首

何盛斯 一首

李蘅 二首

余溥 三首

劉碩輔 二首

胡光輔 二首

梁梅 一首

晚晴移詩匯卷一百三十二

徐世昌

胡興仁字恕堂保靖人道光乙酉拔貢官至浙江巡撫  
有補拙軒小草

次暖叟留菊元韻

嚴霜白於水節候已逾秋惟有庭下菊葉老枝仍適或言  
骨太傲姿態少溫柔豈知彭澤令澹蕩與同流五斗腰不  
折古書自校讐南山對紙筆素心誰共拙或訪五柳宅巾  
車本無軒清風不覺寒特爲晚節留颯颯萬木落苑枯難  
自由君真安淡泊氣味孰能傳

蒼蒼孤松外更有一林竹徘徊松竹間數子皆耆宿老圃  
且共娛清霜忽忘肅正喜餐黃英有客來不速坐客靜相

對狂談惟我獨城東晚香叟新詩示一軸爲報領頭梅驛  
使已相屬我欲禱蒼蒼留此東籬菊但得傲霜枝常伴破  
茅屋何須白衣至醇醪吾自足

黃富民字小田當塗人道光乙酉拔貢官禮部郎中有  
遺集

送秋

忙過西風又一場水邊但見葦葭黃零丁瘦蓼無多紫留  
住秋容在夕陽

偶成

食罷都無一事營閒中物理驗枯榮花枝失漑醫難活瓜  
瓣間拋落旋生豔世文章易凋謝麤材子弟便公卿衰翁  
少見還多怪砌草牆苔半不名

朱掄字條生吳縣人道光乙酉拔貢官工部主事有萬

卷書屋詩

胭脂井

望仙樓閣認模糊尙有脂痕井畔污玉虎春寒驚曉夢銅  
駝秋老泣平蕪箋裁碧月懷江令曲度紅牙憶佛奴試向  
石欄閒徙倚幾行疎柳亂鳴烏

鄒縣道中喜晴

嶧山青未了迢遞接孤城古木崇祠暗斜陽斷碣明雪消  
知土活風細喜塵輕去去征人迹鞭絲大道橫

過趙北口十二連橋作

煙雨橫塘短棹行紅欄宛轉界鷗汀分明此是家鄉景只  
少楞伽一角青

龔澗森字木民監利人道光乙酉拔貢官江甯同知有大螺山人集

寄懷甯海王香坪明經

語溪春酒別同袍三載相思首重搔江漢水趨吳地遠東南雲阻越山高重來感事凋雙鬢何處逢君醉濁醪聞道傳經多勝概未妨垂白卧蓬蒿

查人漢字清華海甯人道光乙酉拔貢官林縣知縣有知畏齋詩藁

秋日同家蘭舫叔游菩提山用今雨聯吟韻

秋陰深處閣鐘聲幽徑人來鳥解迎書訪古臺荒草合山有張無垢讀書臺珠明小沼夕陽晴山有珠池無多紅樹新添醉如此青山好隱名游倦欲投蕭寺宿白雲留我坐三更

蕭鴻吉字儀可號韻鏡三臺人道光乙酉拔貢官雅安

教諭有樅塘詩草

詩話韻鏡初至雅安值監逆之亂以校官助防守城賴以完事定敘首功在官二十八年成就弟子甚衆著羣經通義續方言後漢三公表續雅州府志韻鏡隨筆年八十三卒詩工醞釀越游吟卷尤爲時所稱

西湖雜興

山氣蹙於水水氣濃於山二氣浮空濛朝光生其間  
我我初陽臺冥冥青蒼天太虛舒妙麗映合成澄鮮可娛不可  
卽湘簾凝曉煙

一曲一規模屈折隨所肖謂此幽崛勝彼又活脫妙快意  
欣前瞻賞心縈後眺結構雖人工出奇實天造願託湖上  
居幾生修得到

天風吹海濤晴籟生林表送我躡雲磴高空極天杪氣斂

不敢肆俯首瞰飛鳥江帆片葉微越山一螺小目送西南  
雲鄉心幾縈繞

孟津雨望

河朔春憫旱生機鬱草木麥苗不蓋地蓬塊紛滿目今晨  
渡孟津微雨灑河曲一色含新姿風穗淨搖綠

崖城

氣塞風凜烈山狹石縱橫路逆礪溪上人衝雲霧行賣漿  
稀食店喝馬噤歌聲艱苦渾難忘挑鐙記驛程

孫運錦字心仿號繡田銅山人道光乙酉拔貢舉孝廉  
方正有與我周旋齋詩集

岐路行

憂來不能食酒酣拔劍長太息男兒志四方安能俯首老

逢掖慙頭駿馬識雄心  
驕嘶怒齧黃金勒  
荒策馬驅平蕪平蕪旁  
午多歧塗李白大笑楊  
朱哭世人擾攘誰良圖  
君不見將軍第丞相府  
門前高車散風雨眼中  
誰是孔文舉

沂黃風逆行遲至眾興就陸

陸行苦塵勞舟行欣利涉  
罷鼓清淮櫂重理濁河楫  
河流本湍急石尤更肆烈  
牽船上沙觜十步九蹉跌  
得尺與得寸力竭皮膚裂  
篙纜用俱窮河水亦鳴咽  
前夕繫船樹回望影未滅  
日日坐河干兀兀空愁絕  
卻見下水船布帆張兩葉  
舟人雜坐卧過眼飛電掣  
盈盈一水間苦樂仙凡別  
取道自違宜慎始愧明哲  
行當策蹇去甚毋傷鰲劣

題傅青主爲閻古古畫松

鳴呼鳳陵四十萬樹悲一炬冬青枝冷噓秋雨一木難支  
大厦傾三葉空傷奈何許列朝培植三百年故國喬木餘  
蒼煙伊誰放筆爲直幹託根無地其天全半死半生僵復  
起眞氣鬱勃猶滿紙天荒地老不受大夫封祗疑清風謾  
謾清人耳空同泗水想高軌

登放鶴亭同似荀

亭前雙屐雲俱飛亭下孤城山四圍近岫漸低遠岫出杳  
花淨盡桃花稀荒荒斜日下林角習習好風吹客衣閒繞  
頽垣讀斷碣古人如作吾誰歸

陳宗起字敬庭號叔度丹徒人道光乙酉拔貢有養志  
居僅存橐

獨居

貧約性所安索居獨難耐舍業起踟躕何處覓良會庭桂  
冬森森高可出檐外黃梅正發花疏拙別有態欣然與盤  
桓游興忽中怠乃知林棲者種樹有深賴

出郭

出郭見牧童牽牛下岡去緩步如不前逢人語絮絮牛飢  
思美草且置不遑顧語罷復閒閒餘情向何處予故無心  
者悠然與之遇恐有塵勞人因茲百感聚

鄧承宗字孝旃江陵人道光乙酉拔貢有藻香館詩鈔

詩話孝旃篤好詩及倚聲專精殫思窮極要眇往往  
怨抑淒婉使人回腸失氣惻楚不能勝已亦不知其  
故同時王子壽唐子方皆重之爲序其集家故雄於  
財孝旃尚豪俠傾身結客散金十餘萬親友詫駭不  
也願

訪音圖爲沈丹谷作

山月洗微白山風吹夢醒偶憶山中人杖策耽幽尋雲影  
時左右禽鳥鳴好音回頭問僮僕囊中有古琴觸手輒成  
響不彈誰爲聽昨從海上來天風吹泠泠波濤出復沒合  
沓難爲名歸時一偃卧萬感俱冥冥棲神太古間天氣橫  
空青出門忽大笑四顧無所親行行昧遠近但聞松濤聲  
始知成連去今古惜此人

都門秋日偕查少泉劉稚筠史仲和單地山城南看  
花作

獨處忽不懌脂車城南行白雲樹上流搖曳作水聲草色  
悽以綠好鳥相和鳴修途無近遠彷彿若已經一寺出深  
塢林木何其清老僧道心薄塵外多逢迎殘葉過別院幽  
花明乍晴花香無定處風過隨衣生去去復徘徊暮靄懸

高城

秋日訪友人不遇

塞山幾點入雲碧漠漠亭皋遠煙色幽徑雲深少人行蟋蟀怨秋聲淒惻秋夜攜筇踏雲來竹牀石砌生青苔中有高人結茅住落葉無聲門不開童子隔離謝客語蓬蒿滿徑誰賓主明月多情解送還秋陰一片落煙渚

河南道中

鞍馬風塵苦關河歲序深遠鐘出煙寺殘月墮楓林人倚孤筇健松圍衆壑陰旅懷消不得日日短長吟

荊州

醉踏高城散早暎城頭吹角重兵屯雲連橘柚秋光淨江轉夔巫雨氣昏豚犬豈能成霸業芷蘭終自誤王孫時清

世用錄言 卷之二十三  
莫作登樓感故國他鄉總斷魂

李于潢字子沆號李村寶豐人道光乙酉拔貢有方雅

堂詩集

石城橋

野樹綠連屋羣山青到城沙明雙鷺立天遠一帆輕日氣  
含雲氣雷聲入浪聲村童知欲雨荷葉蓋頭行

柳園驛

此日登車始長途路杳漫雲添鴉背重雲裏馬蹏寒古戍  
藏髡柳危橋瀉急湍望中茅店近鐙火出檐端

渡江

魚龍寂寞大江空萬里帆檣落眼中北固夕煙連海白南  
徐曉日徹天紅多情山色留秦輦無賴潮頭打宋宮攜取

金尊登絕頂妙高臺上弔羣雄

趙一德字小尹號莘農南陽人道光乙酉拔貢

扳倒井

君不見漳沱河中水不冰一夕嚴寒凍合成又不見營頭  
星墮夜不明壞雲如山壓賊營帝王有真百靈順醴泉湧  
出更相印昆陽南去大道邊井泉流出水涓涓白水真人  
曾飲此麥飯蕪亭一例傳麥飯蕪亭不可見井畔巍峩猶  
有殿入門肅拜弔斜陽興衰屢感滄桑變東洛宮闕久成  
塵銅駝陌上野草春空餘古井溶溶水千秋留濟往來人  
冉瑞岱字石雲酉陽人道光乙酉拔貢

夜泛桃源

一櫂桃花水通宵泛未停風聲帆咽飽客夢艣搖醒村犬

曝殘月江魚戲落星推蓬延曉色恰對數峯青

磁州道中

城郭綠楊西繞城鶯亂嘯紅橋官路闊白石女牆低帘影  
媚花塢簫聲圍柳隄更看田水滿一色早秧齊

楊懷清字同亭蠡安人道光乙酉拔貢有同亭詩草

巖腳寺

北尋巖腳寺山戶竹西開鶴出隨雲去僧歸共月來題詩  
聊坐石把酒忽登臺爲約春風至攜朋看老梅

高車閣上

獨從秋色裏走馬上高臺山勢連雲起江聲抱雨來昔聞  
王粲賦今乏賈生才翹首看黃鵠何勞燕雀猜

柏後原名松後字靜濤蒙古旗人道光丙戌進士官至

文淵閣大學士有薜荔吟館詩鈔

詩詠道光之季法令寬緩科場頗叢詎病沈子惇廣  
文與同時人簡札多微言及之靜濤不幸而丁斯厄  
戊午闈中彗星見時尹杏農侍御爲監試川東拔監  
試詩韻相酬答靜濤詩有云時也祇星明帚形倍阿  
穆相告而靜觀往來人踣蹠晚現斗杓旁曉掃扶桑  
甚天道遠難知使我心謹凜不知禍在眉睫間是亦  
可哀也已

朔平府別張椒雲同年

集馨

蘭交喜晤五原間春暮歸來月又彎使溯張騫窮九塞政  
推魏尚澤三關主人漫擬歌驪待游子應如倦鳥還別後  
與君同悵望朔雲燕樹萬重山

攝山最高峯

石磴層層路幾盤天風高接碧雲寒長江狹甚鍾山小  
人在最高峯上看

晨夕

晨夕誰從論素心閉門搖膝且長吟六經零落餘班馬五  
嶽游行負向禽舊雨不來虛客席冬官無事點朝簪海鷗  
汀鷺皆儔侶且自澆園學漢陰

值班紀事

幾度暄和幾度涼亂山高下又斜陽我如閒寶閒鸚鵡日  
向峯頭哭上皇

黃琮字象坤號矩卿昆明人道光丙戌進士改庶吉士  
授編修官至兵部侍郎殉難諡文潔有知疏味齋詩  
鈔

詩話矩卿督學四川蜀中山水登臨題詠幾徧詩境  
清冷疏宕雅與相稱縱其筆力所至殆足與遺山道  
圓相韻旗當口崎嶇戎馬未收尺寸之功奉身以殉  
詩鈔未刻燬於兵火蜀游草四卷整存亦寂寂無當

世之名何其  
數奇至此耶

自黃牛堡抵草涼驛

置身青雲頂舉步凌崢嶸木脫棱角出路斷略約橫架木  
半欲頽動搖轟有聲手攬藤枝輒足踏松根輕迴風入絕  
澗琴筑相和鳴嶺猿下取飲見人卻數驚默念垂堂戒憂  
來紛填膺到驛聊取適未敢詢去程

觀音碕

入棧苦厭山茲碕更倣詭根蟠地絡深勢逼天闕咫尺削成  
無寸膚壁立剛奇偉落落若棋布疊疊肖丸果節節蚩尤  
骨歧歧巨靈指懸出突監腦矗立不受趾峴嶽瀉瀑泉奔  
騰入澗水飛雪灑山椒震雷殷地底然犀不敢照夔蚬恐  
驚起鞭影已入雲喧聲猶在耳參錯瞻前峯萬仞復碕碕

朔沔水西上卽事作

亂山行不盡脈絡互聯屬初遇喜奇峭稍習厭犖嶮凌晨  
問去程西溯沔水曲寒流淨匹練洩泉鏗碎玉獨鷺破煙  
青孤帆飲川綠蕭蕭柝櫓中厯落幾家屋半扉翳蘆花破  
網挂疏木時見溪邊人添薪斫修竹不意險巇盡清川此  
豁目安得解征鞍借我徑三宿

朝天峽

昨日踰五盤秦棧行始盡參差蜀山出羅立千玉筍茲峽  
若積鐵雙闕競隱隣井宿照不入分野恐無準數武變一  
石奇觀遞相引出胯洩雲低勢面罡風緊沙頽魂屢驚磴  
仄步益窘側肩倚絕壁旁目睨虛牝巖竇如蜂窩昔時駕  
闌楯赤岸乃天獄走險吁可憫我行眞御風舉足躡飛隼

畏途作危語遑恤鏤肝腎

廟基灘

水憑地面高峽束江身窄上流滔滔波下撼磊磊石水石  
兩相鬪大聲日澎湃珠璣亂飄灑羽箭相激射迴飈卷飛  
雪驚濤濺高壁孤舟爾何物乃與水角力百丈入雲牽瞰  
躡走山脊千指膠一纜疲極不遑息三老目如炬心神注  
石隙退尺進則寸從午直到夕布帆幸無恙舉船猶墨色  
東洋難名況逼近聞險忘哺食蓬窗暫假寐坐失千峯碧夢  
裏聞風聲依然蕩心魄

懷西尋少陵故宅不得

君心出峽水日夜趨襄陽萍蹤滯夔府兩鬢成秋霜西閣  
聞猿聲終日涕泗滂白鹽與赤甲萬仞山蒼蒼我來尋懷

西村樹亦已荒故券儻可得爲君新草堂

下相嶺抵白石塘

牽确一徑窄馬蹏不得騁轉步失寸分萬丈墮智井毒霧  
晝未開炎夏曉猶冷莓苔翳雜樹慘綠浸衣領嚙噬望側  
峯蜿蜒陟層嶺溼泥深沒膝危石敬壓頂依微漏天光一  
霎見曦景卅里無人聲行行逐雲影

登凌雲山

城中半月居日見凌雲山朝煙暮靄各殊狀一一入我窗  
櫺閒山頭俯首望城市人煙都在丹青裏山足雲氣山根  
濤名勝巴西無與比清音亭洗墨池東坡遺蹟猶在斯殘  
碑剝蝕苔蘚滋惟有棲鸞峯頂千歲鶴曾見先生來賦詩  
何處青山不媚嫵無人閒作青山主我讀先生集佳句口

能數生不願封萬戶侯卻願載酒凌雲游先生豪興堪千  
秋可憐垂老居常州還山有願終莫酬山蒼蒼水茫茫三  
江會合江流長偉觀使我神飛揚奚奴手持一壺酒猶是  
眉州舊釀玻璃香安得呼起先生勸滿觴好山如此值一  
醉明日攜筇須再至清風爲我開白雲憑欄更看三峩翠

嘉定登舟作

漢嘉城南雨新晴漢嘉城下登舟行舟行適意那有此樓  
臺搖蕩綠波起淩雲有意送行客九峯青入船窗裏大波  
怒起聲喧喧濺水俄水橫江來陽侯出鬪踏巨浪罔象逃  
遁愁驚雷長年三老慣涉險到此變色胡爲哉舉櫂喧呼  
人踴躍船勢忽如飛隼落烏尤山下一迴頭猶見驚濤濺  
佛腳清風不動旗影斜鼓音未斷迴帆撓翠羽驚飛江上

鳥白蘋開滿江邊花江鳥江花無限景碧流蕩漾波紋靜  
無數煙巒翠作堆分明倒卧栽眉影栽眉山影和煙沈栽  
眉雪水入江深船頭一掬寒沁齒好試平生冰雪心

盡日行桑疇稻隴間用放翁瑞草橋道中詩韻

曹事方竣偶乘暇果下生駒穩可跨出城溝水細生穀入  
夏山嵐濃似畫甘蕉長葉半舒卷野蔓生花鬪嬌姹南阡  
三面栽小桑時雨一宵茁新柘嘉禾去莠工始畢芳草如  
茵輒可藉瓜花乍見黃垂檐豆葉早看碧滿架村童卻趁  
農事閒牽牛放向綠陰罅蠶麥有收望秋穫陽雨應時天  
所借有耜好伴桀溺耕循田可返王丹駕瓦盆新酒如肯  
酤便擬穿林問茅舍

嘉定試院夜坐

拋卻蒲葵扇新涼晚更加雨聲過江去月色上城斜滿地  
竹柏影一林柑子花水沈休再蕪香透碧窗紗

抵黃壩驛

行程已半月去路怯層梯大雪埋牛目蠻山健馬蹏秦雲  
高樹北蜀棧亂峯西擊缶聽今夕拌將醉似泥

織錦巷

纂組詩篇寄意深美人合是錦爲心文迴祇自工機杼情  
至猶能動藁砧黃絹有詞須釋義金輪作記亦知音扶風  
近接班姬里紈扇吟成淚滿襟

馬孟起墓

鰲鄉雄烈冠當時七尺孤墳宿草滋日暮鴉巢爭古木雨  
晴蟻穴出豐碑一門枯骨憐家禍百戰餘生結主知四十

七齡身早逝關張無命與同悲

重慶府

十七門樓壓翠鬟西南一綫走嚴關波濤交匯三江水井  
邑高凌萬仞山吳楚帆牆來日暮巴渝歌舞豔人間時平  
不用誇形勝戍鼓無聲白晝閒

萬縣舟中

不盡輕雲冒嶺頭緒風獵獵雨初收垂楊漸作黃金色漲  
水新添碧玉流曳纜幾人爭石磴釣竿有客倚灘舟篙工  
莫悵征程緩便爲春光也稍留

華清宮遺址

朝元閣裏不知秋玉笛曾吹樓上頭一夜空階鳴蟋蟀聲  
聲猶似按梁州

宗室德誠字默庵簡恪親王豐訥亭孫道光丙戌進士  
改庶吉士授編修官至倉場侍郎有聽香讀畫山房  
詩藁

黔山

天地英靈幻奇譎渾淪元氣相搏結鬱積既散成風雷無  
所發舒倍蓬勃凝鍊久久難爲容因之平地涌屹嶠名山  
巨鎮徧天下巉巖嵒嵒難指說但惜見者無二三今至黔  
中聊補缺畛嶺崇山千萬重不斷噴旼眞峭絕大者不測  
幾何尋森森直上插天闕小山以及培塿卑接連亦若兒  
孫列有時排次如弟兄有時重沓如補綴有時巧極呈玲  
瓏有時怒出形突兀獨立或無朋儔隨對峙或猶夫婦別  
鳥飛獸駭蛇蜿蜒虎伏龍蹲人挺傑互路彌漫雲氣蒸頻

朝斷續流泉咽斬齊絕壁誰攀躋空嵌懸磬神施設中有  
仙人闢洞天抑教魑魅藏窟穴壁險當年倩六丁雖開鳥  
道難通輒往來行旅歎艱辛一入三危愁轡折萬丈厓高  
陡澗臨危橋半圯欲摧裂石梯苔磴腳不牢握索引藤彌  
竭蹶飛厓欲墮壓頭低亂石將崩著足滑莫以痛哭嗤退  
翁到此誰能免癰瘕要須兢業慎前途縱教萬仞終超越  
儻輕險道騁馳驅焉保生平不蹉跌

朱昌頤字吉求號正甫又號朵山海鹽人道光丙戌一  
甲一名進士授修撰歷官吏科給事中有鶴天鯨海  
焚餘橐

詩話朵山初以拔貢生授七品小京官觀政農曹既  
以大魁入詞館未幾追坐漕政論罷再起復以戶部  
郎遷臺諫屢上封章論鹽漕諸政有聲於時又爲忌  
者所中掛吏議還里遇寇避兵遠徙次子元慶升庵

知同州乃往就養遶回亂城圍甫解遽以疾卒  
跡其生平多不當意詩特和雅無怨俳之意

度嶺謁張曲江祠

峻嶺隔中外終古青濛濛一綫開鳥道千峯開蠶叢當年  
經營始云是曲江公想借五丁力斧鑿勞神工我來九秋  
杪攬勝心無窮新篁日映碧老樹霜霏紅憩輿瞻廟貌肅  
拜神明通公昔輔唐室誓不開邊戎玉環旣獻媚金鑑徒  
懷忠坐令白羽扇零落涼飈中豬龍擾燕洛幸蜀何怱怱  
中道雖悔悟性牢孰明衷徒留此孔路涉險忘崇隆古人  
一舉手萬世賴其功至今梅花發處處懷清風

嚴緇生孝廉招余及張海門鹿仙金稚谷三編修錢  
萍荅農部小集祝坡公生日

半世迢迢百世師每因嶽降動遐思君王自有憐才日宰

相偏多誤國時千古盛名身後享一場春夢老來知依然  
月白風清夜獨鶴南飛奏曲時

宗室豫本字茶邨恭親王常穎六世孫道光丙戌進士  
歷官宗人府理事官有茶邨集

感興

晨興歷榛曲側側披幽蘭叢生蕭艾中自別良獨難幸免  
味者鋤誰取鳴琴彈踟躕濃露下三歎停朝餐

秋風方西來蕭颯吹長林衆綠遂蕭落去去難復尋昔蔽  
陽烏光今豁涼蟾陰濯濯垂繁枝但有寒棲禽攬之思代  
嬾天地夫何心

贈曹映渠

西風颯爽吹蒼煙明明者月生中天抱琴當月三歎息無

人解聽清風絃若憶新安曹季子平生識曲通幽玄我彈  
古調自怡悅君獨傾聽忘宵眠商歌相和出金石一彈再  
鼓聲淵淵竭來不得數晨夕松石相賞虛三年聞君家在  
翠巖北黃山嵐翠相澄鮮安得十年畢婚嫁從君卅六雲  
峯巔容城浮邱挹我袖徜徉黃帝丹爐前有時天樂出虛  
碧琅璈湘磬雲中傳與君更作水仙操髣髴回刺成連船  
山林杳冥海水立移情愴歎驚飛仙

一舸

一舸亭亭逐浪斜意行忽復得芳華輕風吹綠水楊葉濃  
雨洗紅山杏花乍可銜杯消世慮直將搜句作生涯故人  
迢遞違清賞安得臨流一笑譁

晚歸

斜日層巒向晚清涼雲低覆一村明飛飛黃葉暮蟬出采  
采白蘋秋水生闊野沆寥成遠思薄寒蕭颯析餘醒歸途  
拌落昏鴉後弱馬輕鞭取次行

秋望

長風吹雨溼青苔黯淡濃雲晚乍開遂有秋心生楚佩但  
看夕照下燕臺蒼茫天地留詩卷任誕生涯託酒杯剩欲  
神仙從負局一錢磨鏡去還來

石廣均字方墀一字渠生宿松人道光丙戌進士官兵  
部主事有亦園詩鈔茶餘詩橐

詩話渠生詩華而不靡樸而彌文格調音節氣味均  
非浪使才情者比嘗次張江陵所進帝鑑圖及蔣侍  
御臣鑒錄戚少保練兵實紀摘爲題目事  
繫以詩鍼砭性情發摠忠孝爲時所稱

宿南鎮

吟魂小覺境遶遶夜籟蕭騷感故吾短軛衝霜牛鐸冷枯  
其入棧馬聲麤地連東海詩逾壯天遠西山夢漸無最是  
五更殘月裏照人鐙影一星孤

長溪山途中作

一登雲外嶺世界自羲皇日薄山嵐重溪喧水碓忙松陰  
高不落竹氣暗生涼何處紅塵到風來草亦香

胡珵字孟紳號琅圃仁和人道光丙戌進士官刑部主  
事有聽香齋集

詩話琅圃爲書農學士子文辭瑋麗守學士家法  
詩好爲長篇有才多之患嘗鼎一臠以存其概

顯真道院觀于忠肅公玉帶

顯真院公讀書慶春街公舊居九門團營九邊策想見十  
圍腰腹中能儲四百餘年留一帶故物流傳明景泰良工

琢就鎗十三麟玉當時特恩拜公事英廟臣節堅迎鑾竭  
力身仔肩輕裘緩帶度嫺雅指揮談笑摧也先公輔景帝  
臣志瘁易儲事未爲公累紅鞋犀帶畫像懸託孤何殊文

宋瑞

公嘗懸文文山  
像焚香事之

庸才誤國江與陳金帶欲換工謀身

易儲定策自二相禍延壁碎諸廷臣公於此時非不諫履  
霜堅凝初集霰磨盡晶瑩玉鏡光可柰君心不如面公於  
此時胡不歸點瑕免使蒼蠅飛也知挂帶比還笏好將初  
服更朝衣公非保身乏明哲君恩太深計難決留得蕙河  
虹貫天誓灑孤忠一腔血七尺軀爲盛名誤欲酬主知家  
不顧尙方珍賜密室扃籍沒時隨帶歸庫此帶不遭裴晉  
公口占謝表福考終此帶不逢曹使相身被殊榮誌家狀  
猶幸莊田共給還遺澤摩挲喜無恙平生不解禪機深山

門留鎮非公心帶和魂返斷齋處祝融祠宇陰森森吁嗟  
乎七年天子一方玉投向井中汪后哭纖兒競論奪門功  
戢戢萬釘如箭束石駙馬曹吉祥齊叨紫綬懸金章冰山  
轉眼盡消釋惟公此帶千古遺甘棠

查文經字耕麓京山人道光丙戌進士官至漕運總督  
有木樨香館詩

### 釣臺

大度劉文叔羊裘有故人風雲付諸將山水得閒身夷惠  
無偏拙巢由亦外臣先生非避世無夢學盧生

### 渡河

天風一夜掃沈霾曉樹蒼蒼宿霧開大海狂飈龍捲去太  
行晴色雁擎來臨河莫唱公無渡作楫還思楚有材萬古

英雄洵不盡功高終許畫雲臺

雲山迢遞不知程流出蒲昌勢莫爭九曲遠從天上落千  
年一爲聖人清然犀溫嶠殊多事擊楫祖生壯此行卻笑  
人心不如水風波雖起有時平

汴城

萬家楊柳枕春城形勝猶傳古帝京艮嶽花飛空去鳥樊  
樓歌散少嘯鶯嵩雲西接三川雨河水東流萬古聲欲訪  
玉津園畔路亭臺無際暮煙橫

黃恩彤號石琴甯陽人道光丙戌進士官至廣東巡撫  
有知止堂集飛鴻集

赤藤杖歌

昔年我過滇陽峽飛來禪寺停檐帷寺僧贈我赤藤杖入

手天矯蟠蛟螭峽山陡立水清絕草木堅瘦含霜姿茲藤  
純陽有殊稟蜷生山腹穿雲肌年深瘴霧羶翠蔓獨標火  
色爭炎曦蛇纏虺繚更糾結石剛鐵勁尤崛奇細筋盤環  
抱真骨血殷腴理凝燕支攫拏數尺勢千丈倒垂巖際耀  
水湄老樵奮臂拔不得快斧斫斷珊瑚枝天生杖材帶根  
節不須鑿削煩工師鳩首翻露丹鳳唼龍頤怒傑頰虬髭  
丹中緘識不敢發江湖怕有神姦窺歸來摩弄淨牙角偶  
以挂壁驚童兒近苦腳輭仗汝助掣電繞腕流虹馳蜿蜒  
欲飛強捉住咫尺炫晃光陸離斗覺生力貫腰膝徐看寶  
氣衝鬚眉殘藜枯竹安足道塗朱髹漆空爾爲會當攜汝  
入山去徧踏蒼厓尋紫芝

題友人齋壁

地僻無車馬莓苔長滿庭平沙連屋白短樹壓窗青兒女  
烹茶熟雞豚喚夢醒柴門閉不開山鳥自梳翎

重陽病起

困餘起步畫廊東悶把茱萸數晚紅四面寒山黃葉下一  
聲斷雁碧雲中興來欲覓登高侶病後難禁落帽風自歎  
吟身如瘦鶴不堪重醉菊花叢

徐繼畬字松龕五臺人道光丙戌進士改庶吉士授編

修官至福建巡撫內用太僕寺卿有松龕先生遺集

詩話松龕撫福建英人入居會城烏石山爭之年餘乃徙去土民猶以爲遲松龕以是罷去嘗輯瀛寰志略當時海通不久譯材未備得此已不易又輯兩漢幽并涼三州今地考略詳審明確自來治乙部者所及未

秋夜

夜永難成寐將眠又啟扉疏星低入樹涼露暗侵衣憂國  
慚無分悲秋客未歸問來還翦燭詩筆爲頻揮

行年過六十萬事付飄萍扶老貪穫朮驅愁借醪醑敢爲  
雙眼白聊對一鐙青四壁蛩音起悠然倚枕聽

太行綿亙上黨之東險隘林立述其在潞安境內者

示朱生甫

太行走北幹山勢何巒岈河內與上黨兩界起峯巒潞州  
扼其吭形勝留不刊壺關漢名縣大河流急湍新舊兩窟  
窿五丁鑿奇觀其北爲玉峽高嶺路紆盤桃花隔兩園斗  
絕不容攀林慮近可接望之雲漫漫再北爲潞城虹梯空  
際蟠鳥道迴百折投足欲走丸樵蘇尙彳亍何人敢據鞍  
奇險由天造一夫可以完下有茱蘭巖峩峩石劍攢岵嶸

怖行旅羣吟行路難  
黎城古建國式微詩所歎  
東瞰吾兒峪壺口舊安瀾  
雄關有遺址雉堞半凋殘  
坡陀高數仞山澗紆且寬  
地利無可恃常憂兵力單  
楸園與石背要隘煩控搏  
行行渡漳水古道走邯鄲  
我行來乘鄆被命試師干  
請纓雖有志無如氣力殫  
聚米愧未能拈地借詩壇  
佇聞吳楚捷環瀛普久安

聞客談南中事

游魂尙未脫黃巾  
千里江流映碧燐  
淮蔡何人方李愬  
潯陽猶自阻盧循  
蕭條林木巢春燕  
咫尺清波憫涸鱗  
八載宵衣勞聖主  
徒聞送喜萬方頻

周啟運字景垣靈川人  
道光丙戌進士改庶吉士  
歷官直隸按察使  
有有不爲齋詩

香溪

聞說香溪水神仙舊有家岸低風簇浪灘淺石籠沙入盞  
渾疑酒當鑪可試茶昭君已北嫁空自襯朝霞

清明改舟由鄂城下河晉發沙陽

鄂渚輕寒迄未消柁牙移處趁歸潮桃花有意隨帆影流  
出東風第一橋

漢陽舟次讀張南山大令

維屏

聽松廬詩集題此奉

贈

我舟發襄陽適逢蜀西客爲譚船山詩卓犖多奇格昨過  
漢江署又遇詩中伯一見心已傾盛名久赫赫君家詩有  
源曲江體堪式二公實繼聲粵蜀氣不隔肯念苔岑緣  
與余先後出王貽我松廬冊盥露出琅編一讀一尋繹古  
九霞先生門下

調能獨彈靈境皆新闢精如麗水金潤如藍田璧清如霜  
鶴音健如雲鵬翮大聲發水上蛟龍喪魂魄讀罷燭花殘  
不知東方白齒餘蘭芬多眼覺滄溟窄以茲集眾譽實得  
非倖獲近今作家眾人人據吟席四離或不聞六迷良未  
釋華麗涉虛浮高潛鄰迂僻豈知思無邪一言蔽三百老  
杜忠愛心卽此溫厚澤君才不可量君行固無慝篤實有  
光輝允承千年脈具此玉堂器宜通金閨籍如何佛已成  
轉同仙偶謫赤壁鶴曳輪黃州鳬飛舄夢得自多才韓愈  
非可惜天教政學兼詠歌通保赤人生不朽三德言功並  
飭宓琴有遺音言絃豈小術所望大雅材風流追古昔

岳州

九派長江浩蕩來巴州古號小蓬萊臺能鑄鼎千年在樓

爲臨湖四面開舊井潮寒空憶柳仙山水列尙呼梅不知  
家住湘西客日過湘君醉幾回

風景何曾遜六橋只添弱柳一千條湘娥盡日梳高髻楚  
女于今學細腰客上紫荊吹鐵笛人過青草住蘭橈湖山  
卻有埋香恨北郭雲深厝二喬

宋沛霖字雨仁雙流人道光丙戌進士厯官雲南迤東  
道

卽事有感

慮事何勞密浮生合坦如不薰容社鼠大謬察淵魚蒼昊  
高無極浮雲幻有餘舊時詩句在可記詠芙蕖

鄂恆字松亭滿洲旗人道光丙戌進士改庶吉士授編  
修厯官陝西候補知府有求是山房遺集

擬山居晚興

空山絕人跡終日不開門  
落照當高樹炊煙帶遠村  
渡頭秋水漲沙上暮鴉屯  
月出田家約陶然倒酒樽

靜夜

晚風吹落葉音徹空齋靜  
天際片月來樹林蕩疎影  
四鄰悄無聲沈沈夜方永  
焚香側書坐鐙青竹牀冷  
理從微處悟趣向閒中領  
歎息將何言曉鐘下西嶺

晚過易水弔荆軻

夕陽欲墮天茫茫風狂振地驚  
沙黃易水當前忽橫道寒  
流鳴咽摧肝腸憶昔荆軻自此去  
悲歌見志慨以慷誓不  
生還報太子衝冠怒已傾  
秦皇獻圖上殿舞陽怯霜鋒  
陡閃虹霓光祖龍繞柱駭且走  
虎狼不得誇剛強吾謀不就

吾死耳受恩敢以頭顱償食人之食死人事壯哉此語卿  
能當或云計則謬劍術非其長責人無難古所病懦夫壯  
士誰低昂六國謀臣盡踵此豈待楚火焚咸陽英雄報君  
只有死利鈍成敗歸蒼蒼此時月出寒于霜欲持杯水酬  
國殤冰漸凜例手易傷弔古不見空徬徨北風復起號枯  
楊恍聞擊筑聲悲涼壯魂或來依我傍

雨後抵觀音門

簇簇排紅樹行行傍翠巖煙波搖古郭江雨落春帆路滑  
難移屐寒輕不著衫烏衣相識燕橋上話呢喃

徐州

作鎮何人鑄鐵牛波濤聲裏出徐州萬重翠嶂橫隄起千  
里黃河抱郡流危堰樹陰平寺塔亂飄雲影落城樓蛟龍

窺壓閭閻宅多小居人未解愁

山寺坐雨

林昏雨不開輕煙忽相接山寺暮鐘天蕭蕭落黃葉

再詠潭柘寺

龍潭噴雪響潺潺柘樹棲殘野鶴閒滿徑白雲涼古寺四圍紅葉豔秋山荷樵人語斜陽外采藥僧歸積翠間到此利名心盡洗好參佛偈駐衰顏

朱琦字雲岑宛平人道光丙戌進士官宜賓知縣有佚

餘詩鈔

舟過浯溪湘林太守邀與山陰趙質堂同游

逆風吹船頭上灘苦涉險忽見好林巒危亭半山掩云是古三吾移舟泊近嶼石磴步屈盤斑駁蝕苔蘚浯溪勢蜿蜒

艇細流瀉晴澈欄護徑仄仄橋渡香冉冉差喜得平坡插  
面石屏儼尊之曰一品嘉名信無忝借問山陰戴茲溪何  
如剡

晤臺特高倨居亭稍遜退遙遙東西時望若次肩背俯瞰  
瀟湘流遶挹衆山翠竹樹森下風拔戟自成隊中間豁清  
曠嶙峋雜無礙疏密高低間煙雲變萬態恰如漫叟文其  
妙正在碎

言尋漫郎宅再拜元顏祠雙忠自千古何必磨崖碑卽以  
文字論後來作者誰惜翁翻舊案弄筆矜新奇都官誇心  
記說怪尤支離其他累千刻自檜餘無譏卓哉中興頌終  
古長巍巍

徐燮鈞字博兼號閩賓武進人道光丙戌進士官咸陽

知縣有溫經堂詩鈔

詩話閩賓少時喜談經濟學嘗游幕荆襄當道爭相延聘後官秦中興水利課農桑所治多善政秦民愛之其詩旨淡而采道有中晚唐格調常郡多詩人徐氏尤盛茶坪久主壇坫曾孫尙之復負詩名與趙雲松洪北江黃仲則有七子之目閩賓尙之猶子也誦芬揚烈無愧詩學世家

宿京口

宿霧迷漫漲不收流澌兩岸送歸舟  
半江星影連天動一枕濤聲入夢流  
黃嬭有情聊破寂索郎隨伴可澆愁  
頻年來往金焦下飽看青山是壯游

秋庭

秋庭生夕涼屋角微風颭葉脫  
鳥驚散月來花與翔茶煙穿綺井  
人語出新簧醉裏聞吳詠翻疑夢故鄉

桐花吟寄太倉家秋士

桐花欲落竹實稀丹山老鳳常苦飢紛紛雞鶩壓梁粟處  
堂燕雀樂且嬉之子婁塘困蚊虻幽憂如山病難鐫夜雨  
鴿原各黯傷淚綆交霑慰問帖太華十丈蓮花青羣仙競  
草新宮銘盧敖招手碧雲裏靈鑠乍闢煙冥冥摩竭橫飛  
海風黑瀧吏指稱行不得未鑄燕公地下鑑空睨行甫篋  
中墨我從誓墓狎樵漁脫髮飄蕭不戀梳聞道故人多壯  
志培風六月作鵬圖

陳同字鎮常又字小鄭順德人道光丙戌進士卽用知  
縣有陳小鄭詩

洞庭湖大雪作歌

天低野闊雲堆墨倒壓全湖湖水黑紛然快雪破空來上  
下湖天此飛白雪輕到水水交融瞥現曇花本無迹那知

玉戲幻天公轉瞬船頭已數尺平湖皜皜四望空黛痕碧  
露三兩峯平時君山滿湘竹凍折琅玕斑不紅此是錢塘  
破陣舞組練明光麾白羽玉龍塵退攪空飛敗甲殘鱗墜  
如雨又疑張樂觴百神瓊華島闔玉雨勻霓裳隊散百花  
舞龍堂貝闕霏珠塵媵予雜巡魚鱗鱗珠旂羽節湘夫人  
粉淚遠灑九疑雲耐寒離立雲中君虛無玉駟驂靈均招  
來片片玻璃魂我時銀海光初眩不暇清吟矜白戰賞奇  
呼酒岳陽樓笑拉仙人共狂嘯醉橫鐵笛吹落梅六出花  
飛徧南甸

過小嶺

此嶺九十里所歷頗險惡兩夫舁一兜嫋嫋竹竿弱片蓬  
圓幕天尺板危墊腳所見高一頭有美自呈躍嶺轉初螺

旋崖斷忽瓜削曲則蟻穿珠窄作鼠入角陡則馬驀坡藏  
則蛇赴壑進則鳥道爭退則蚓行卻谿迴路已窮林轉山  
又廓峯巒遞顯藏隱現隨起落肩輿升降間一一歸領略  
景色真難名可喜又可愕

湖南近嶺南地暝少霜霰卽無春雨膏青山終不變況經  
三日霖一絲萬峯徧我時冒雨來溼翠潑人面迴颺揭層  
煙嵐光遞隱見密雨漬頽雲模糊又一片宿霧松杉深濃  
露藤蘿胃生氣入深山草木鬱蔥蒨樵徑碧逾高燒痕青  
已旋山畚疊魚鱗稜稜自築堰高低畎澮盈橫溢水花濺  
谿谷酣笙鏞樹杪明匹練應接聲色勞遠近耳目眩衣裝  
無寸乾吾游豈告倦

野步

蓬蓬春色有無間  
白袷青鞋自往還  
潮漲頓移前日岸  
帆遲遮斷隔江山  
提壺鳥解扶人醉  
含笑花能破客顏  
瘦聳吟肩聊覓句  
炊煙青已裊柴關

春晚野步

滿地木棉花空村堆晚霞  
敢嫌春事老偏戀夕陽斜  
幽徑風前蝶荒坡雨後蛙  
歸途值鄰叟絮絮話桑麻

繆梓宇南卿溧陽人道光戊子舉人由知縣歷官浙江  
金衢嚴道署鹽運使殉難贈太常寺卿諡武烈有繆  
武烈公遺集

早出湧金門至崇文書院

出郭涼意動淒然  
知己秋晨光轉平  
楚湖色上高樓  
講舍鐘聲近輕橈  
鏡裏游何當脫塵鞅  
挾策共淹留

西興驛

千家煙火接城闔一角郵亭倚水濱西去入吳東入越岸  
旁多半喚船人

朝護儲胥夜握刀無端驛吏送迎勞祗今環海鯨鯢靜支  
枕秋聽江上濤

彭洋中字彥深一字曉杭湘鄉人道光戊子舉人歷官

潼川知府有古香山館詩存

詩語彥深以名孝廉爲邵陽學官值天下多故嘗手  
訂條教佐寶慶知府魁縣興辦團練保甲石達開以  
二十萬衆圍寶慶三月不能下曾文正駱文忠交章論  
薦後隨駱入川服官多惠政性好吟詠屬稿前一日  
以浣花牋書遺詩四章蒼勁不減平時  
郭養知劉霞仙皆深惜之謂未盡其用

楊忠愍公墓

姦佞無人擊滔天安可知思量今過此魑魅汝奚爲浩氣

俱成膽霜封自鑄詞應山吾楚望忠憤不同時

衛輝府別李笏生歐陽西岑吳西橋

前年曾此地攜手各傷神今日仍陳跡淒涼衛水濱天涯  
分咫尺世路足風塵曙色明班馬蕭蕭鳴向人

蝴蝶詞

小隊花叢故故遲翩翩金粉去來癡人間一樣游春夢卻  
羨莊周未醒時

聽雨圖爲鄧四丈湘皋題

嗟余久負聯牀約對此茫茫百感生巖穴待尋招隱地波  
濤何似在山清百年聚首幾風雨四海知心兩弟兄今日  
相逢潁濱老淒涼猶是說彭城

喜聞李松友歸自都門卻贈

聞道行人萬里還夜深鐙火話團圓朝來問訊牆頭滿莫  
說人間行路難

李光謙字東園順天通州人道光戊子舉人歷官鎮雄  
知州有雙桐書屋贍稟

訪張海濤廣文留飲至夜

停杯忽無言仰視星河朗流螢竹外飛寒露松間響遙聞  
鐘一聲明月牆東上

九日登西山

斷續青煙起澗阿隔城聽徹採樵歌疏林不礙登高目無  
數秋山夕照多

潘德輿字彥輔一字四農江蘇山陽人道光戊子舉人  
官安徽知縣有養一齋集

詩話四農詩境高潔其論詩曰詩宜痛刪改必浮靡之者去而真慙之氣來語語有用方謂之言立又曰詩止一字訣曰厚厚必由性情然師法不高烏得厚也又曰詩必淡雅雅渾大乃可以示天下味此數語宗尚可知足挽江左詩派之失

臺城偶題

入十三年中自得還自失不乞梵王露豈索臺城蜜

贈丁儉卿

丁生十七氣浩然權奇天驥脫羈絆渥注一出馳喬雲俗眼何曾識豪骭紛紛少年抱一編伊晤竟日力文輒彊命屬詞神不偕文狐蒙戎雜青豻黑白不辨學貴耳紫鳳天吳漫璀璨就中才質賦清白情思昏如閱敝案問途略識歧中歧倏復迷離舍書歎俗師不導交衢舞逼入荆榛作甕竄劇憐含美不成章明珠迺取石來鍛之子汲古轉鹿

盧奧祕潭潭絕畔岸偶施意匠神鬼驚移晷掃盡千兔翰  
閉門獨造喻甘苦日不停披慮脫腕我察譽言恐溢美清  
辭再閱發驚惋未能空洞函古初豹采爛爛已彪煥聞子  
矢志窮羣經鄙懷結轡似冰泮祇空剽輕任血氣立足未  
定轉離叛否則瑣瑣注蟲魚枉是刳精訂漫漶古來文章  
有直路俗工繆糾自謾調羣經大義高麗天照耀靈臺日  
初旦衆家傳注勿驟觀以我一筏涉混瀚我意成熟參衆  
家如一赤絲萬珠貫不然先入塞吾竅得不及全失其半  
莊荀屈馬擇尤雅築墉亦欲資版榦此外高閣束數年捧  
日日不見燭燿理明氣定精內充百派支流易區判吁嗟  
聖道布經籍獨恃幽通協神斷子觀禋祀求烹蒿潔齊鬱  
鬯首重裸腥爛薦熟後天事精誠那寄衆臚胖入途不正

異時悔勢必糅錯合冰炭胸中疆界未申盡冰雪聰明亦  
淩亂縱使操管摹前民浩朗青天黑雲幔丁生丁生知讀  
經至道堅剛有端鑽小家訓詰窮豪芒耿耿元精日消散  
名場文字況末技專攻愈非一代冠暗中福命奪人魄點  
者夤緣鬻珍玩彌天揮灑穠與秣見人學古目屢睥生也  
采豪幸天授電光在舌閃爛爛諛言交攻滋子疑仗子慧  
劍力搬扞宗經徵聖子所習打雀慎勿費珠彈箏琶得志  
訔鈞天空山素琴自操縵我聞前訓轉相語不顧旁人笑  
漫漢女牀一鳥飛驚天那待枋榆拙鳩喚祇因姿骨病且  
醜引鏡生慚發顛汗入塾受書二十載雞棲名不出里閭  
秃筆如冢有何用供作勞薪執炊爨酸鹹慙盡轉爽口坐  
我詞鋒失勁悍晨起誦經十忘九批捩眊耗迨日吁尙思

攘袖揮塵氛俗骨勤求大丹換矧子英年軼同輩思理勃  
宰鮮遺算積成學業崑崙邱部婁羣言只低看天生異材  
致實用敢隨衆口妄褒讚一時得失百年事努力壇宇壯  
雕奐房駟精英踔萬里休學鄉閭策款段他時仰配古作  
者不負奇書讀東觀

寫孝經詩

憶我爲兒時家塾在堂隅日跌讀書罷歸時慈母娛八歲  
就外傳魯論初啾唔九歲五經畢文義頗不疏十歲讀禮  
經古句忘崎嶇十一背慈訓熒熒失母烏十二出門游奔  
走能跨驢是時從大人來往神愉愉大人授孝經命兒自  
寫書兒寫書不成滿紙如墨豬左右反覆視心氣慘不舒  
低頭清淚落仰頭但嗟吁大人顧謂兒兒心一何愚寫書

非大難兒心姑徐徐心定手不誤爾盍仰視予侵晨執筆  
寫寫成日裁脯兒廼破涕笑喜笑東西趨取書呼兒來此  
書義當攄讀書讀其義此書學根株兒默聽此教跪受當  
前除朝夕執書讀愛重同球圖讀罷藏之笥覩見懼點汗  
兒今又寫書寫書忽痛呼兒有六歲兒兒已十年孤昔時  
一卷書歲時常寶儲今日寫此帙吞聲淚霑裾昔寫今亦  
寫今昔迴自殊昔泣今亦泣兩泣不相如昔寫雖醜惡嬉  
戲稱鳳雛今寫好似昔誰與正瑕瑜昔泣實恃愛貌鬱神  
不痛今泣復何益淚眼空爲枯哀哉一卷書寫罷還踟躕  
兒亦呼其兒學不在五車但求孝悌性敬愛理不虛亦不  
在榮達名譽播九區但求守吾身戰戰保髮膚兒有弱小  
錫神采情且都七歲痛陟岵似續守門閭此書大義在此

詩非煩紆兒復呼其兒試誦與爾姑爾姑聞此詩哀痛猶  
茹茶爾內外兄弟敬謹相友于立身與顯親毋若不肖吾  
將赴金陵荻莊別勤子

別館躊躇日易斜片帆懸處便天涯地鄰野水長屯雨人  
似秋荷勉著花文字謀身原太拙園亭稱意欲爲家歸來  
也羨孤舟待磐石漁竿坐晚霞

### 徐中山王墓

韓彭合鄧賈未足與公班翊運精誠動成功意氣閒餘威  
開大漠此墓稱鍾山六代羣邱壠樵人晚唱還

### 雞鳴歌

萬物冥冥雄雞一聲雞聲一作天地清廓天地清今日當  
中雄雞聲聲聲滿空中百鳥聾聾恨言語天以雞爲晨

昏之鐘鼓大聲中宮小聲羽聲雖宛轉力軒舉我老聞之  
不能舞雄雞雄雞吾負汝

靜海寺

寺以沈香爲柱降香爲梁永樂時太監馬三保歸自西洋所建

龍江煙水秋茫茫靜海寺外千帆檣眼前江水等一勺寺  
僧爲我談西洋荷蘭真臘久入貢雄心未屢明文皇刑餘  
之臣佐遠馭戈船直指西南荒從行白骨擲海岸九死歸  
來頭亦霜大共小球侈王會明珠犀象盈歸裝奇珍鉅萬  
不暇數龍驤萬斛堆沈香請看入門第一殿以香爲柱香  
爲梁游人傳誦五百載手摩鼻嗅憐芬芳稽首淨土信香  
國此公所到眞天堂我聞僧語色不許喜功好大無純王  
穆滿瑤池不足信春秋外傳譏白狼史公徵文大宛傳張  
騫廣利謀非臧何況魁柄假閭寺遠人不來專出疆干尋

梁棟足瞻仰萬人汗血誰憐傷更看銅鼎萬鈞重雷紋古  
篆追周商洪熙元祀鄭和造益知貨寶歸貂璫委鬼逆燄  
屋明社永樂作俑墮乾綱兵部冊籍可一炬良臣卓識邦  
家光語僧勿祀馬三保讀史吾欽劉職方

趙北口

割斷燕雲十六州可憐中國小金甌幽州豈是水窮處宋  
使直疑天盡頭今日郊垌無戰馬涼宵燈火有漁舟居民  
猶憶宸襟暢畫鷁回環繞翠旂

題湯海秋儀部浮邱閣詩集

泥塵沒踝門衙窄興來拓此爲八極三杯俯仰天地清一  
卷蒼涼鬼神入疾如風雨喧靈湫太陰黑蜃升雲頭雷公  
合沓伐大鼓木怪潛匿山精愁靜如寒江轉孤月浩漫珠

光搖貝闕危磯圯水水忽怒一綫驚濤百回折煌煌京洛  
開朱門蹇驢破帽多才人孤寒奇憤塞胸臆欲假君筆歎  
酸辛君方少壯擁章綬容臺禮樂供討論悲歌擊劍問何  
事但貴雅拜儀溫文挑鐙三復奮起舞知君感激爲萬古  
詩壇大義久頽墮健者今生必韓杜眼含雙淚懷庭闈手  
別羣家奉鄒魯浮沈耶署士有命何肯修容媚公府鐙光  
煜煜雄雞鳴我劍在壁亦有聲無君才筆合草莽愛君篤  
誠如弟兄我不願君煙霞氣浮邱老仙眞把袂亦不願君  
山水癖桃花江上弄泉石巨儒吐辭如洪鐘要鑄寶鼎銘  
殊功後生讀史記名姓不在區區文苑中

涿州弔漢昭烈

湯桓學伊管此風邈雲漢師道懈不立治法日渙散堂堂

漢昭烈受教抑氣岸能求諸葛公由師盧子幹少若憎大  
儒考靡股肱贊帝王重典學伊傅理一貫光武游學時經  
術亦潛玩孫曹彼何師願指氣慙慢宜以僭竊終春秋書  
賊亂

樹齋先生廉峰太史招集江亭銷夏

車馬各成市清涼讓此間地含九秋氣天與半窗山風雅  
殊方合尊疊竟日閒誰憐郭功甫獨客自愁顏  
亭館披襟地塗泥滴汗時清風滿堂快甘雨到田遲卽事  
滄浪詠驚心雲漢詩西疇積禾稼醉倒亦奚辭

過匡衡故里作

大儒盛時棟爲儒衰世珍子政忠被謗衡也坐秉鈞小心  
事權要大言論如嬪可以弼天子不敢忤倖臣千古此祕

要沽直登要津儒者學何事大節宜輪囷哀哉匡張輩所  
學豈不醇經術與文章無補瓦裂身乃知患失念六籍之  
荆榛小雅好正直垂誠何諄諄說詩求解頤知非鯁亮人  
荏平述感

齊西風物近如何攬轡南來涕泗多百里田疇無秀麥四  
更門巷有清歌征人蹠躩謀行樂長吏逡巡報薦瘡嶽嶽  
馬生呼不起荒荒殘日下巖阿

謁方正學祠遂至壽池山房

建康郭外萬山合木末一亭依太清老子閒游多古意大  
忠餘憤作江聲春秋事不問家國師友倫原共死生草草  
六朝同傳舍詞章幾輩是時英

含淚高歌授命辭下山草木有餘悲復登傑閣一憑眺誰

似長江無盡時萬壑秋聲儘蕭瑟孤峰日色未迷離長干  
賦別銷魂地獨有茲游慰我思

李文瀚字雲生一號蓮舫宣城人道光戊子舉人官岐

山知縣有味塵軒詩集

詩話雲生詩才氣縱橫意興豪邁古體尤極恣肆妻周閨雲亦工詩善畫閨中唱和合繪爲樂

朝鮮文德郎徐竹垞眉涪過訪索畫賦贈

翰墨因緣千古難縱橫妙筆無人看君能寫竹我寫蘭紅  
塵洗盡居長安竹愛蘭心素薰人氣味毫端露蘭愛竹心  
虛舊時芒角胸中無蘭本幽人竹君子靈根不與衆芳比  
品題安得真名士賞心只有梅邊鶴鶴愛蘭幽竹灑落題  
以新詩珠玉錯一鶴一竹一蘭花相尋正得林泉樂東皇  
倏爾扇微風野鶴西飛蘭竹東竹轉蕭湘去蘭居楚澤中

埽見江頭布帆去如羽萬丈柳絲牽不住扶持清夢入茫  
茫日暮愁雲繞春樹萬里關河渺渺煙波念我故人將如  
之何野鶴時招蘭友說道君心爲此君結我方駕霧行雲  
遠送此君別海上銀濤立如雪中流一棹指蓬萊平安早  
抵三韓闕分手贈言囑致君勸君莫炙離情熱萬國朝天  
年復年春風重過小神仙竹瘦蘭清鶴孤潔花間三影邀  
明月

送別竹垞

一見卽如故相逢何太遲君身有仙骨我跡恨天涯風雨  
無多日雲山又別離茫茫鴻雁信莫負隔年期

寒夜遣悶卽示洙泉弟

千古此長安久居誠大難風塵消壯志升斗戀微官功業

百無補乾坤何處寬仰天長太息星月夜闌干

歲月恩恩去北風吹敝廬圍鑪烹濁酒燒燭檢殘書病骨  
瘦支鶴愁腸枯索魚墮簾聊復爾相對意踟躕

客況貧如洗名心熱似煎班超投筆起祖逖著鞭先琴劍  
悲今日煙雲感去年白頭孤望眼腸斷五更天

一枕江南夢雞聲喚不醒水迷千里白山記數峯青久向  
高堂別何堪老淚零鄉音無雁到蘆荻隱沙汀

舟夜憶鎮北

十旬啖盡鶴分餐別後相思夢未安我始出山還不濁爾  
如行路亦應難馬頭塵掃雲千疊蓬背涼生月一九蘆荻  
花疎秋瑟瑟故人曾否渡桑乾

吳陳勳字樹堂號琴逸桐鄉籍休甯人道光戊子舉人

官台州府訓導有梢雲山館詩鈔

立秋

夢回孤枕一蟬鳴  
林影參差夕照橫  
愁似亂絲紛莫理  
秋先落葉到無聲  
青鐙有味中年負  
白髮關心兩鬢生  
畫省江湖商位置  
賦成潘令不勝情

姚吉祥字養恬秀水人道光戊子舉人有竹雨吟鈔

南還留別沈台舊明府

淮

岱雲漠漠繞涼天  
垂柳長亭拂去鞭  
轉眼秋分千里月  
回頭春暗五陵煙  
儻尋覆鹿知何處  
重問來禽定幾年  
正是江南好風景  
斜陽一路聽鳴蟬

徐颯字韻泉湘潭人道光戊子舉人有鄂不廬詩存

過馮輔堂得月山房

何地夜無月幽人先得之  
暹光懸屋角涼影墮花枝  
高閣宜吹笛虛窗舊有詩  
平生愛清景坐到漏深時

何盛斯字蓉生中江人道  
光戊子舉人有柳汁吟舫詩  
草

游梓州琴泉寺

鎮日尋遺跡徐行繞翠微  
野藤爭路出沙鳥背江飛  
荒步游人少殘碑識者稀  
逾時長嘯去落葉滿苔衣

李蘅字蘭士號湘人新會人  
道光戊子舉人有小瀟湘  
館集

白藤堡暮歸

山路沿陂陀晚雲指靄靄  
夕陽下平野影在飛鳥背  
近郭見村墟歸人紛負戴  
遠聞呼牛聲雜出煙林外  
茅屋三五

椽低與樹影配樸俗樂農桑小市足鮭菜卽此亦羲皇何  
分古今代行行就人煙不警村犬吠

夜偕東野月峯集澄霞別墅打魚

水光人影隔模糊舉網驚看月走珠幾輩幽懷狎鷗鳥一  
年秋夢在菰蒲誰曾湖海尋豪士從此煙波號釣徒最好  
忘機相對處臨淵不羨得魚無

余溥初名必智字若泉定番人道光戊子舉人

道士狀晚望

路向黃州發春風送客行暝煙延野色落日走江聲歷歷  
漁翁舍悠悠旅客情重兵江楚扼世泰捲旗旌

辰沅舟中

五溪環似帶二酉列如屏雲矗兩巖黑天餘一綫青灘聲

晴亦雨嵐氣晝還冥耳目愜幽趣樵歌入暮聽

登瓜州城弔古

帆檣塞路去舟遲來倚高城八月時荒渚草封王播宅寒  
空雲暗佛狸祠江聲東走秋風壯山勢西蟠夕照敞京口  
從來關鎖鑰將軍節鉞控南維

劉碩輔字孟輿德陽人道光戊子副貢有浚江詩鈔

甘泉宮瓦硯歌

漢武皇帝求神仙皦皦宮殿開甘泉珉墀鉅砌事奇麗匠  
作輸盡司農錢漆丹細搗銅爲瓦甄官豈出昆吾下武都  
之泥千牛徵雷橐風鑪入陶冶長尺有五厚寸橫五寸其  
面光堅晶脣則花之背乃鐵神工古篆鐫長生市兒只解  
購錢刀弔古誰譜宏農陶風磨雨蝕發光怪元雲坐見滌

秋毫金魚玉盤飄零早片瓦流傳至今少焉得蘭臺隄塵  
九通天試上初明表

江上秋思

秋老氣悲涼幽懷淡水鄉芙蓉三萬朵一半落寒塘溼露  
沾花重乾風掃葉忙鳴蟬送斜影獨立轉蒼茫

胡光輔字芴年德清人道光戊子優貢官上高知縣殉  
難有小石山房詩存

寄懷邱獻琛姬琢齋沈小梅

荷氣襲芳榭桐陰高畫樓人如明月遠夢與故鄉留團扇  
餘殘暑遙碁入早秋有懷苕霅路日暮共扁舟

孔耳石歌爲錢遠亭作

石爲宋葉石林物  
遠亭以米易得之

弁蒼矗天接天語下有老龍喚不起鬼斧神工石竅鳴虎

引熊經聞隻耳不知割取屬誰手擲向石林作石友一孔  
穿雲鶴與飛雙輪匝月龜同壽當年天水如沸羹花石網  
使東南行十大鑿河萬夫運小山別築芙蓉城宣和天子  
聰全塞諫議挽衣言不得斯石何緣脫網羅一牽乃被郎  
官拾癸卯四月日在辛大書鐫刻刀痕深雨淋日炙七百  
載空山鬼泣苔花皴下若溪邊誰氏莊枯槐衰柳煙生涼  
焦桐爨下等閒棄後有識者今中郎以米易石米顛喜呼  
之爲丈丈唯唯三漏驚猜石組神嘉名肇錫曲陽史茫茫  
滄海愁難填頑峯疇結三生緣仇池要因坡老重醒酒肯  
受奇章憐君不見西州太守嗜成癖百金募之那可奪玲  
瓏合置小窗前珠簾隱約噴飛沫

梁梅字錫仲號子春順德人道光戊子優貢有有寒木

齋集

觀音巖

一棹破江碧打門雲亂飛江光搖佛面雲氣絮僧衣架壑  
層梯矗嵌空石乳肥釣臺相傍好待我北游歸

晚晴簃詩匯卷一百三十二終